

## **ABSTRAK**

Disertasi ini membincangkan berkenaan dengan kesan pengajian hukum Islam secara tidak formal di mukim Jabi, Terengganu terhadap hubungan kemasyarakatan. Fokus kajian ialah kesan pengajian hukum terhadap hubungan kekeluargaan, kejiranan, persaudaraan dan penglibatan masyarakat setempat di dalam aktiviti kemasyarakatan. Kelas-kelas pengajian hukum secara tidak formal di masjid atau surau merupakan kelas pengajian yang paling diminati oleh masyarakat Islam kerana ianya membicarakan tentang perkara-perkara yang berkaitan kehidupan seharian sama ada perkara ibadat seperti solat, puasa, zakat dan haji. Di samping itu ianya juga berkaitan dengan perkara muamalat seperti jual beli, pajak gadai, hutang piutang dan perkara perundangan dan hukuman bagi jenayah. Sesungguhnya pengajian hukum sangat penting dalam melahirkan sebuah masyarakat yang aman dan harmoni berlandaskan kepada prinsip-prinsip hukum Islam.

Perbincangan dibahagikan kepada empat bahagian iaitu; Bab pendahuluan yang membicarakan tentang latar belakang masalah kajian, rumusan masalah, objektif, skop, kepentingan kajian, metodologi penulisan, metod analisis data dan kajian-kajian lepas. Bab kedua pula membicarakan tentang sejarah kedatangan Islam ke Nusantara, proses Islamisasi di alam Melayu, pusat-pusat penyebaran Islam dan institusi-institusi pengajian hukum Islam di Malaysia pada zaman silam. Bab berikut pula membicarakan tentang definisi pengajian hukum, sejarah pengajian hukum di awal Islam dan di Malaysia, tokoh-tokoh ulama, masjid dan

surau sebagai institusi pengajian dan bentuk-bentuk pengajiannya. Bab yang terakhir dan terpenting ini ialah berkaitan dengan laporan dan analisis data tentang kesan pengajian hukum secara tidak formal terhadap hubungan kekeluargaan, kejiraninan, persahabatan dan warga tua. Di samping itu, ianya juga berkenaan dengan penglibatan responden dalam aktiviti kemasyarakatan. Bab ini juga disertakan bersama dengan penutup dan kesimpulan terhadap kajian dan penyelidikan tersebut.

Sebagai kesimpulan, pengajian hukum merupakan suatu perkara yang sangat penting khususnya bagi masyarakat Islam kerana ianya memberi kesan positif terhadap perhubungan kemasyarakatan dan tanggungjawab terhadap keluarga dan masyarakat. Di samping itu, ianya dapat mendidik individu dan masyarakat dengan sifat-sifat mulia seperti tolong menolong, bekerjasama dan hormat menghormati antara satu sama lain demi melahirkan sebuah masyarakat yang aman dan harmoni.

## ABSTRACT

This dissertation discusses the effect of informal classes of fiqh among the muslim community of Mukim Jabi, Terengganu on social relationship. The writer intends to observe its effect on family relationship, relationship within a community and their participation in social activities. These informal classes of fiqh are popular because they discuss about the fundamentals of Islam such as prayer, fasting, *zakat* and pilgrimage. It also touches on *muamalat* activities such as trading, pawn, debt and Islamic laws on *hudud*, *qisas* and *ta'zir*. The study of fiqh is very important to muslim community because it focuses on the relationship between individuals and community. Furthermore, it promotes peaceful and harmonious relationships according to the Islamic principles.

This dissertation is divided into four chapters. Chapter 1 deals with the background of the research, problem of the research, objectives, scope, importance, methodology of writing, data analysis and literature review. Chapter 2 traces the history of Islam in Archipelago, Islamization of Tanah Melayu, dakwah centres in Archipelago and institutions of Islamic study in Malaysia in the past. Chapter 3 talks about the definition of fiqh, the history of study of fiqh in the early Islam, study of fiqh in Malaysia, previous fiqh scholars, the mosques and suraus as institutions of education and it's method. Chapter 4 deals with the reports and data analysis of the effects of classes of fiqh on family and social relationship and the participation of respondents in community activities and fiqh's classes. It also

relates their opinion about the role of mosque. This chapter also includes the conclusions of the research.

The main conclusion are the informal fiqh classes are very important to muslim community because they effect the relationship between individuals and community, the responsibility towards family and community. It teaches and educates good attitude such as co-operation, tolerance and respect in order to create peaceful and harmonious community.